



Bou ons kinders vir môre

Sondagskool 2

Lestitel: Die gelykenis van die talente

'n Ouerhandleiding

Sondagskooltuisonderrig



Liewe Ouer

Welkom by die les oor Die gelykenis van die talente

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die gelykenis van die talente
Bybelwoord	Mattheus 25: 14-30
Lesdoelwit	Die kinders leer dat hulle die talente wat God aan hulle gegee het moet gebruik en dit met vreugde moet doen

Lesopsomming:

- Jesus het aan die dissipels vertel van 'n ryk man wat weggegaan het en aan sy dienaars talente(geld) gegee het om mee te werk totdat hy terugkom.
- Hy het aan die eerste dienskneg 5, aan die tweede dienskneg 2 en aan die derde dienskneg 1 talent gegee.
- Die eerste twee knegte het albei hul talente verdubbel sodat die eerste een 10 en die tweede 4 gehad het.
- Die derde dienskneg was bang en het sy 1 talent begrawe.
- Toe die man terugkom, was hy gelukkig dat die eerste twee diensknegte wat so goed met hul talente gewerk het, en hy het aan hulle belangrike werk gegee om te doen.
- Die meester was ongelukkig met die derde dienskneg en het gesê dat hy lui was.
- Hy het die 1 talent van die derde dienskneg weggeneem en dit ook aan die een wat 10 gehad het, gegee. Hy het hom 'n nuttelose dienskneg genoem.
- Die meester het hom toe weggejaag.



Wat beteken hierdie les vandag vir ons?

- Hierdie les vertel ons dat:
 - Die meester gesê het dat jy meer sal kry as jy jou talente vermeerder. As jy jou talente mors(verkwis), sal dit van jou weggeneem word.
 - God dieselfde is, en Hy verlang dat ons die talente wat Hy aan ons gegee het moet gebruik.
 - Ons die talente in sy huis kan gebruik deur in die koor te sing, 'n instrument te speel, die kerk skoon te maak, vir die siekes te bid.

Sommige vrae wat ons kan vra:

1. Waaroor gaan die verhaal?

Antwoord: 'n meester wat talente aan sy dienaars gegee het voordat hy vertrek het. Hy wou hê dat hulle moes werk en die talente vermeerder.

2. Hoeveel talente het elkeen gekry?

Antwoord: een het 5 ontvang, die ander 2 en die ander 1.

3. Wat was die situasie toe die meester teruggekom het?

Antwoord: Twee het hul talente verdubbel en die een wat 1 gehad het, het niks met sy talent gedoen nie.

4. Hoe het die meester daaroor gevoel?

Antwoord: Die meester was gelukkig met die twee, maar hartseer en kwaad oor die ander een wat niks met sy talent gedoen het nie.

5: Wat het die meester gedoen met die een wat niks met sy talent gewerk het nie?

Antwoord: Die meester het sy talent weggeneem, dit gegee aan die een wat die meeste gehad het, en hom toe weggejaag!

6: Hoe kan ons ons gawes en talente in die kerk gebruik?

Antwoord: Help om die kerk skoon te maak, in die Sondagskoolkoor sing, blokfluit speel, vriendelik met my vriende wees.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Vader in die hemel

Hoor my gebed.

Help my om my talente te gebruik en vriendelik te wees.

Seën my ouers en my vriende.

En hou ons getrou tot die einde.

"Amen"